

Der ander Theil diß Buchs.

Allegends wil ich dir künzlich vnd einfeltig/ was die Practic/ so die Balhen (darfür mans helt) erfunden haben/ für ein Rechnung sey / anzeigen/ vñ wie die auff dieser auch anderer Landtsart Münz mag gebraucht werden/ Wirt aber die Practic genennet von wegen irer behendigkeit / dann gleich wie in andern Künsten/ der / so ein ding nicht allein weiß vñnd verstehet/ sondern auch dasselb durch tägliche erfahrung vñ vbung gebraucht hat/ vnd darinnen behender vnd außrichtsamer dann ein ander/ so allein die Speculation vnd den verstandt hat/ erfunden / vnd ein Practicus genennet wirdt / Also auch in dieser Kunst wirdt der/ so durch grosse vbung der Regel De Tri vñnd gemeiner Rechnung (der ich dir hievor ziemlichen Bericht fürgeschrieben vnd außgelegt hab) etwan Natur vñnd Engenschafft der Zahlen vermerckt/ vnd dardurch von tag zu tag Fortheil vñnd Behendigkeit/ für einem andern nicht also geübten erföhret / ein Practicus genennet/ davon dann ferrner auch die Kunst oder solche subtile Behendigkeit Practica genennet wirdt. Daß man aber diese Practic in gewisse Regel verfassen wolt/ were vñ wegen der vile solcher Regeln/ so sich zubeschreiben ereugen würden / mehr verdriesslich dan nützlich / Dann angesehen ihre mancherley behendigkeit wirdt sie am aller leichtsten durch Exempel erlehret/ Auch da ich gleich mich beflissen wolt ein Theil dieser Practic auff ein Münz in Regeln zu verfassen / were solches doch nichts / dieweil ein jede Münz/